

Beth yw Arholiadau Ysgoloriaeth a Gwobrau Teilyngdod Prifysgol Aberystwyth?

Mae Arholiadau Ysgoloriaeth a Gwobrau Teilyngdod Prifysgol Aberystwyth yn arholiadau ar-lein gwbl ddewisol sy'n rhoi cyfle i'n hymgeiswyr israddedig sicrhau dyfarniad ariannol a/neu gynnig diamod.

Mae gofyn i ymgeiswyr wneud cais ar-lein i sefyll dau arholiad sy'n para am 1.5 awr yr un (y dyddiad cau ar gyfer ceisiadau yw **23 Ionawr 2026**). Gyda'ch caniatâd, cynhelir yr arholiadau mewn ysgolion / colegau ddydd **Mawrth 3 Chwefror 2026**. Gofynnwn i ymgeiswyr gael caniatâd eu swyddog arholiadau cyn iddynt wneud cais ac mae'n ofynnol iddynt ddarparu manylion cyswllt eu Swyddog Arholiadau (enw a chyfeiriad e-bost) ar eu cais.

Fel arfer caiff arholiadau eu cwblhau ar gyfrifiadur ysgol/coleg gan ddefnyddio Microsoft Word, a'u cyflwyno'n electronig i amgylchedd dysgu rhithwir y Brifysgol, Blackboard. Ceir rhagor o fanylion yn y ddogfen hon.

Amserlen

Rydym yn hyblyg o ran amseroedd cychwyn arholiadau, cyn belled â bod y ddau arholiad yn cael eu sefyll ar yr un diwrnod. Yn anffodus, ni allwn newid dyddiad yr arholiad. Rydym yn gofyn i ymgeiswyr gysylltu â Swyddogion Arholiadau mewn da bryd fel eu bod yn gwybod ble ac ar ba adegau y bydd eu harholiadau yn cael eu cynnal.

Isod mae [esiamp](#) o amserlen ar gyfer arholiadau mewn ysgolion/colegau allai fod yn ddefnyddiol i chi, fodd bynnag gallwch osod amseroedd cychwyn yr arholiadau eich hun yn seiliedig ar amgylchiadau penodol eich ysgol / coleg.

10:30 – 12:00	Arholiad 1
12:00 – 13:00	Egwyl Cinio
13:15 – 14:45	Arholiad 2

Cyn diwrnod yr arholiadau

Gwnewch yn siŵr bod ymgeiswyr yn ymwybodol o leoliad ac amseroedd dechrau eu harholiadau, eu bod wedi actifadu eu cyfrif Prifysgol Aberystwyth, (bydd ymgeiswyr yn derbyn y manylion drwy ebost wedi'r dyddiad cau) ac wedi ymgylfarwyddo â'r broses arholiadau.

Trefn yr arholiadau

Yn ystod wythnos yr arholiadau, bydd Swyddogion Arholiadau yn derbyn:

- Rhestr o ymgeiswyr, gyda'u pynciau arholiad a manylion unrhyw ofynion arbennig ar gyfer yr arholiadau maen nhw wedi eu dewis
- Manylion mewngofnodi i gael mynediad i'r papurau arholiad

Ar ddiwrnod yr arholiadau, dylid darparu copi printiedig o'r papur arholiad perthnasol i bob ymgeisydd ar ddechrau pob sesiwn arholiad. Gellir rhoi papur llinell i ymgeiswyr os ydynt yn dymuno gwneud nodiadau ychwanegol.

Mae gan ymgeiswyr 1.5 awr (ynghyd ag unrhyw amser ychwanegol y mae ganddynt hawl iddo – gweler ein [Polisi ar wneud addasiadau rhesymol ar gyfer ymgeiswyr](#)) i gwblhau pob arholiad.

Bydd canllawiau pellach ar sut i gofnodi presenoldeb wythnos cyn yr arholiadau.

Dylid cwblhau pob arholiad mewn dogfen Word (gweler '[Gofynion pwnc-benodol](#)' isod ar gyfer eithriadau). Dylid safio papurau fel: Cyfenw_Enw Cyntaf_Pwnc.

Eithriadau

Mathemateg a Mathemateg Bellach

Bydd angen l arholiadau Mathemateg a Mathemateg Bellach gael eu cwblhau ar bapur llinell, yn hytrach nag ar gyfrifiadur. Rhwng bapur llinell A4 i ymgeiswyr i gwblhau'r papur. Darperir tablau ystadegol ar yr arholiadau Mathemateg ar dudalen we lawrlwytho papurau arholiad.

Bydd gofyn i ymgeiswyr sy'n sefyll yr arholiadau Mathemateg a Mathemateg Bellach gyflwyno eu papurau i 'Blackboard Assignments' a bydd canllawiau pellach yn cael eu hanfon at ymgeiswyr a swyddogion arholiadau cyn yr arholiadau.

Ffiseg

Ni fydd yn ofynnol i ymgeiswyr Ffiseg blotio graffiau na thynnu lluniau yn ystod yr arholiad, felly mae'n bosib iddynt gwblhau'r arholiad ar Microsoft Word. Fodd bynnag, oherwydd natur gymhleth yr atebion ysgrifenedig rydym yn hapus i ymgeiswyr gwblhau eu harholiad ar bapur llinell os y dymunant a chyflwyno eu papurau i 'Blackboard Assignments'. Bydd canllawiau pellach yn cael eu hafnion at ymgeiswyr a swyddogion arholiadau cyn yr arholiadau.

Goruchwyllo

Mae'n rhaid i ymgeiswyr gael eu goruchwyllo gan aelod o staff o dan amodau arholiad arferol. Nid oes angen goruchwyllo ymgeiswyr yn ystod yr egwyl rhwng y sesiynau arholiad.

Anghenion ychwanegol ac anghenion arbennig

Mae gan ymgeiswyr hawl i'r un ystyriaethau y maen nhw'n eu derbyn ar gyfer arholiadau ysgol arferol ac mae ein [polisi ar addasiadau rhesymol](#) ar gael ar ein gwefan. Os bydd ymgeiswyr wedi ein hysbysu o unrhyw ofynion, bydd rhain yn cael eu rhestru wrth ymyl eu henw yn y rhestr o ymgeiswyr bydd Swyddogion Arholiadau yn eu derbyn. Gofynnwn i Swyddogion Arholiadau e-bostio ysgoloriaethau@aber.ac.uk i gadarnhau'r ystyriaethau arbennig y mae gan ymgeiswyr yr hawl i'w derbyn.

Os oes unrhyw faterion yn codi ble mae angen i arholwyr Prifysgol Aberystwyth fod yn ymwybodol ohonynt (e.e digwyddiad sy'n tarfu ar arholiadau neu salwch) anfonwch e-bost at ysgoloriaethau@aber.ac.uk a byddwn yn sicrhau bod yr arholwyr perthnasol yn cael gwybod.

Gofynion pwnc-penodol

Ni chaniateir i ymgeiswyr gymryd ffonau symudol, oriawr glyfar nac unrhyw ddyfeisiau digidol tebyg i'r arholiadau. Oni nodir yn wahanol isod, ni ellir defnyddio unrhyw destunau, geiriaduron, atlasau na dogfennau neu offer eraill. Bydd yr ymgeiswyr yn sefyll dau bapur arholiad, oni bai eu bod yn cyflwyno portffolio o waith celf neu ffotograffiaeth yn lle un o'r papurau arholiad.

- **Cyfrifiannellau** - caniateir defnyddio cyfrifiannellau an-raglenadwy (ar yr amod eu bod yn ddistaw, hunan-bweru, heb gyfleusterau cyfathrebu, ac yn gallu dal testun neu ddeunydd arall y gellid ei ddefnyddio i gael mantais annheg) **ar gyfer: Busnes, Cyfrifeg a Marchnata, Cemeg, Economeg, Mathemateg a Ffiseg.** Dylai ymgeiswyr ddarparu eu cyfrifiannell eu hunain.

- [Portffolio Celfyddyd Gain](#) – bydd gofyn i ymgeiswyr sydd wedi dewis cyflwyno Portffolio Celfyddyd Gain gyflwyno eu portffolio ar ddyddiad yr arholiadau. Ceir rhagor o wybodaeth ar gyfer yr ymgeiswyr hyn ar ein tudalen we [Trosolwg Pwnc](#).
- **Cemeg** – darperir tabl cyfnodol fel rhan o'r papur arholiad.
- **Mathemateg a Mathemateg Bellach** - gall ymgeiswyr sefyll i mewn i'r archwiliad unrhyw 'Lyfrynnau Gwybodaeth' a gymeradwywyd gan eu bwrdd arholi i'w defnyddio mewn arholiadau, fodd bynnag, darperir [Tablau Ystadegol](#) sydd yn cynnwys yr holl wybodaeth sydd ei hangen.
- **Ffiseg** – bydd yr holl wybodaeth berthnasol yn cael ei chynnwys o fewn y papur, ond gall ymgeiswyr fynd a unrhyw 'Lyfrynnau Gwybodaeth' a ganiateir gan eu Byrddau Arholi i'w defnyddio yn yr arholiad os dymunant.

Cyflwyno papurau arholiad

Ar ôl i'r arholiad gael ei gwblhau, bydd angen i ymgeiswyr gael mynediad i'r we i gyflwyno eu papur drwy Blackboard – bydd dolen gyflwyno yn cael ei rhannu ag ymgeiswyr cyn dyddiad yr arholiad.

Sicrhewch fod ymgeiswyr ond yn cael mynediad i'r we ar ôl i'r arholiad gael ei gwblhau a pan fyddant yn barod i gyflwyno eu papurau.

Ar gyfer papurau ysgrifenedig neu os oes angen atodi unrhyw dudalennau papur ychwanegol, sganiwch y ddogfen a'i danfon at ysgoloriaethau@aber.ac.uk. Sicrhewch fod unrhyw bapurau wedi'u sganio yn cynnwys enw llawn y myfyriwr, Cyfeirnod UCAS a theitl pwnc yr arholiad, a bod y tudalennau wedi'u rhifo a'u hanfon yn y drefn gywir.

Os ydych chi'n cael anawsterau gyda phorth Blackboard, cadwch gopi o'r papur arholiad gorffenedig ar USB a'i anfon i ysgoloriaethau@aber.ac.uk.

Gwybodaeth ar gyfer ymgeiswyr

Mae copi o'r Canllaw i ymgeiswyr ar gael ar ein gwefan. Byddant hefyd yn derbyn e-bost sy'n ei hatgoffa o'r pynciau y maent wedi dewis er mwyn iddynt sicrhau bod ein cofnodion yn gywir a'n hysbysu am unrhyw newidiadau munud olaf. Rydym hefyd yn cynghori ymgeiswyr i wyllo fideo byr **cyn** diwrnod yr arholiadau er mwyn ymgyfarwyddo â sut i gyflwyno papurau arholiad wedi'u cwblhau. *(Byddwn yn rhannu manylion pellach ynglyn a hyn maes o law)*

Byd ymgeiswyr yn derbyn ebost gennym ar ol y dyddiad cau (23 Ionawr 2026) a fydd yn cynnwys cyfarwyddiadau ar sut i actifadu eu cyfrif Prifysgol Aberystwyth. **Sicrhewch fod ymgeiswyr wedi cwblhau hyn cyn yr arholiadau fel bod modd iddynt fewngofnodi i'n hamgylchedd dysgu rhithwir a chyflwyno eu papurau arholiad gorffenedig.** Os yw ymgeiswyr yn anghofio eu manylion mewngofnodi gallant e-bostio ysgoloriaethau@aber.ac.uk i gael ailosod ei cyfrinair. Sylwch y gall gymryd hyd at awr i'r newid hwn gael effaith.

Gofynion TG

1. Bydd angen cyfrifiadur/gliniadur ysgol/coleg gyda Microsoft Word (neu becyn prosesu geiriau tebyg) wedi'i osod (os yn bosibl, galluogwch [autosave](#)). Nid oes angen analluogi *spellcheck* ond gofynwn i chi sicrhau nad yw'r ymgeiswyr yn mynd ar y rhyngwrdd na phhecynnau meddalwedd eraill yn ystod yr arholiad.
2. Bydd angen cysylltiad rhyngwrdd sefydlog ac un ai porwr gwe Chrome, Firefox neu Edge er mwyn cyflwyno'r papurau arholiad ar ôl eu cwblhau.

3. Gofynnwch i'ch Tîm Cymorth TG i sicrhau bod y gosodiadau Firewall yn caniatáu i ymgeiswyr gael mynediad i [Blackboard](#).

Canlyniadau

Byddwn yn cysylltu â'r holl ymgeiswyr a Swyddogion Arholiadau 4-6 wythnos o'r arholiadau a gynhelir i roi gwybod iddynt a ydynt wedi bod yn llwyddiannus, neu'n aflwyddiannus yn eu hymgais i sicrhau Ysgoloriaeth Prifysgol, Gwobr Teilyngdod, a/neu Gynnig Diamod yn seiliedig ar eu perfformiad yn yr arholiadau.

Cwestiynau cyffredin

Gweler hefyd y [wefan](#).

C: Beth os nad ydyn ni'n gallu darparu cyfrifiadur ar gyfer yr arholiadau?

Rhowch bapur llinell A4 i ymgeiswyr. Ar ôl i'r arholiad orffen, sganiwch y ddogfen a'i danfon i ysgoloriaethau@aber.ac.uk.

C: Beth ddylwn i ei wneud os na all ymgeisydd gael mynediad i Blackboard, neu gyflwyno eu papur arholiad gan ddefnyddio pwynt cyflwyno Turnitin yn Blackboard?

1. Gwiriwch y cyfeiriad ar y we: <https://blackboard.aber.ac.uk>
2. Sicrhewch fod yr ymgeiswyr wedi gwirio'r enw defnyddiwr a'r cyfrinair iawn a'u teipio'n gywir.
3. Gofynnwch i'r ymgeisydd gau'r porwr gwe i lawr yn llwyr (nid lleihau) yna ailgychwyn a cheisio cyflwyno eto.
4. Os nad ydy'r uchod yn gweithio, dylai ymgeiswyr e-bostio eu papur gorffenedig i ysgoloriaethau@aber.ac.uk – tra'ch bod yn gwylio. Gwnewch yn siŵr bod pob papur yn cael ei labelu gydag enw a phwnc y myfyriwr e.e. *Evans Sam Bioleg*

C: Beth pe bai ymgeisydd yn absennol ar gyfer un arholiad neu fwy?

Cofnodwch bresenoldeb ymgeiswyr ar y ffurflen bresenoldeb ar-lein ar ddiwrnod yr arholiadau. (Byddwn yn darparu gwybodaeth bellach maes o law). Os yw absenoldeb ymgeisydd o natur sensitif, ebostiwch ni ar ysgoloriaethau@aber.ac.uk

Canllawiau a Pholisïau a allai fod yn ddefnyddiol:

[Canllawiau Arholiadau i Ymgeiswyr](#)

[Polisi ar wneud addasiadau rhesymol i ymgeiswyr sy'n sefyll yr Arholiadau](#)

[Polisi ar Ymddygiad Academiaidd da ac annheg ar gyfer yr Arholiadau](#)

[Telerau ac Amodau](#)

Gwybodaeth bellach:

Diolch yn fawr iawn am eich cymorth gyda'r trefniadau arholiadau. Os oes gennych unrhyw gwestiynau, ewch i [dudalen gwe'r Arholiadau](#) neu cysylltwch â'r Tîm Ysgoloriaethau trwy ysgoloriaethau@aber.ac.uk